

## গণপ্রজাতন্ত্রী বাংলাদেশ সরকার

অর্থ মন্ত্রণালয়

অভ্যন্তরীণ সম্পদ বিভাগ

( মূল্য সংযোজন কর ও সম্পূরক শুল্ক )

প্রজ্ঞাপন

তারিখ: ০৭ জ্যৈষ্ঠ, ১৪৩০ বঙ্গাব্দ / ২১ মে, ২০২৩ খ্রিষ্টাব্দ।

এস.আর.ও নং-১৫৭-আইন/২০২৩/২৩৪-মুসক।- মূল্য সংযোজন কর ও সম্পূরক শুল্ক আইন, ২০১২ (২০১২ সনের ৪৭ নং আইন) এর ধারা ১২৬ এর উপ-ধারা (১) এ প্রদত্ত ক্ষমতাবলে সরকার, জাতীয় রাজস্ব বোর্ডের সহিত পরামর্শক্রমে, জনস্বার্থে, ১৩ মার্চ, ২০২৩ খ্রিষ্টাব্দ মোতাবেক ২৮ ফাল্গুন, ১৪২৯ বঙ্গাব্দ তারিখে জারীকৃত প্রজ্ঞাপন এস.আর.ও নং- ৭০-আইন/২০২৩/২১১/মুসক এর নিম্নরূপ সংশোধন করিল, যথা:-

উপরি-উক্ত প্রজ্ঞাপনের TABLE এর পরিবর্তে নিম্নবর্ণিত TABLE প্রতিস্থাপিত হইবে, যথা:-

“TABLE

Heading	H.S. Code	Description of Goods
(1)	(2)	(3)
25.17	2517.10.90	Lime Stone
	2517.10.90	Dolomite

২। এই প্রজ্ঞাপন ১ জুন, ২০২৩ খ্রিষ্টাব্দ তারিখে কার্যকর হইবে।

রাষ্ট্রপতির আদেশক্রমে,

(আবু হেনা মোঃ রহমানুল মুনিম)

সিনিয়র সচিব।

গণপ্রজাতন্ত্রী বাংলাদেশ সরকার  
জাতীয় রাজস্ব বোর্ড  
ঢাকা।

[ ভ্যাট বিভাগ ]

আদেশ

সাধারণ আদেশ নং-০১/মূসক/২০২৩

তারিখ: ০৭ জ্যৈষ্ঠ, ১৪৩০ বঙ্গাব্দ/ ২১ মে, ২০২৩ খ্রিষ্টাব্দ।

বিষয়ঃ এইচ.এস.কোড ২৪০২.২০.০০ এর আওতাধীন সিগারেটের সর্বোচ্চ খুচরা মূল্য বৃদ্ধির সিদ্ধান্তের পরিপ্রেক্ষিতে মূল্যস্তর ভেদে বিভিন্ন স্ট্যাম্প/ব্যান্ডরোল ব্যবহার এবং মূল্য সংযোজন কর ও সম্পূরক শুল্ক আহরণ সংশ্লিষ্ট নির্দেশনা।

মূল্য সংযোজন কর ও সম্পূরক শুল্ক আইন, ২০১২ এর ধারা ১২৬ এর উপ-ধারা (১) এ প্রদত্ত ক্ষমতাবলে প্রণীত অভ্যন্তরীণ সম্পদ বিভাগের প্রজ্ঞাপন এস.আর.ও নং-১৪৭-আইন/২০২০/১০৮-মূসক, তারিখ: ১১ জুন, ২০২০ খ্রিষ্টাব্দ এবং সংশোধনী প্রজ্ঞাপন এস.আর.ও নং-১৪০-আইন/২০২৩/২১৭-মূসক, তারিখ: ২১ মে, ২০২৩ খ্রিষ্টাব্দ অনুসারে স্থানীয় সরবরাহের ক্ষেত্রে হেডিং নং-২৪.০২ এর অন্তর্ভুক্ত এইচ.এস কোড ২৪০২.২০.০০ এর অধীনে সিগারেটের মূল্যস্তর ও সম্পূরক শুল্কের হার নির্ধারণ করা হইয়াছে। নূতন মূল্যস্তর ও সম্পূরক শুল্ক নিম্নরূপঃ

শিরনামা সংখ্যা (Heading no.)	সামঞ্জস্যপূর্ণ নামকরণ কোড (H.S. code)	পণ্য সামগ্রীর বিবরণ (Description of goods)	সম্পূরক শুল্ক হার (%)
---------------------------------------	--	---	-----------------------------

২৪.০২

২৪০২.২০.০০

তামাকযুক্ত সিগারেট (Cigarettes Containing Tobacco) প্রতি দশ শলাকা সিগারেটের সর্বোচ্চ খুচরা মূল্য (প্যাকেটের গায়ে সর্বোচ্চ খুচরা মূল্য, সিগারেটের সংখ্যা, সুস্পষ্ট লক্ষণীয় ও অনপনীয়ভাবে মুদ্রিত থাকিবার এবং ফ্লেভারিং ক্যাপসুল সম্বলিত সিগারেট বাজারে নিম্ন স্তরে সরবরাহের ফলে ধূমপায়ীর সংখ্যা বৃদ্ধির কারণে জনস্বাস্থ্যের ঝুঁকি বৃদ্ধি পাইতে পারে বিধায় স্বাস্থ্য ঝুঁকি বিবেচনায় ফ্লেভারিং ক্যাপসুল সম্বলিত সিগারেট মধ্যম স্তরের নিম্নে সরবরাহ না করিবার শর্তে):

(১) ৪৫ টাকা ও তদূর্ধ্ব

৫৮

(২) ৬৭ টাকা ও তদূর্ধ্ব

৬৫

(৩) ১১৩ টাকা ও তদূর্ধ্ব

৬৫

(৪) ১৫০ টাকা ও তদূর্ধ্ব

৬৫

০২। নূতন মূল্যস্তরের বিপরীতে বিভিন্ন স্ট্যাম্পের ও ব্যান্ডরোলের যথাযথ ব্যবহার নিশ্চিতকরণ তথা যথাযথ পরিমাণ মূল্য সংযোজন কর (মুসক) ও সম্পূরক শুল্ক আদায়ের লক্ষ্যে নিম্নলিখিত পদক্ষেপ গ্রহণের জন্য জাতীয় রাজস্ব বোর্ড নির্দেশ প্রদান করিল:

- (ক) নূতন সর্বোচ্চ খুচরা মূল্যস্তরের ভিত্তিতে সিগারেট সরবরাহের লক্ষ্যে সকল ব্র্যান্ডের সিগারেটের ক্ষেত্রে উৎপাদনকারীগণকে সংশোধিত মূল্য অনুযায়ী প্রযোজ্য শুল্ক-কর পরিশোধ সাপেক্ষে পূর্ণা খালাস গ্রহণ করিতে হইবে। এ বিষয়ে সংশ্লিষ্ট কমিশনার প্রয়োজনীয় কার্যক্রম গ্রহণ করে প্রদেয় সম্পূরক শুল্ক ও মূল্য সংযোজন কর আদায় নিশ্চিত করিবেন;
- (খ) ১ জুন, ২০২৩ খ্রিষ্টাব্দ বা তার পরে সরবরাহ করা সকল সিগারেটের ক্ষেত্রেই (পূর্বে উৎপাদিত ও মজুদসহ) নূতন মূল্যস্তর অনুযায়ী শুল্ক-কর আদায় নিশ্চিত করিতে হইবে। ১ জুন, ২০২৩ খ্রিষ্টাব্দ তারিখের পূর্বের খুচরা মূল্য মুদ্রিত সিগারেটের প্যাকেটে সীল দ্বারা নূতন সর্বোচ্চ খুচরা মূল্য মুদ্রণ করিতে হইবে। ব্যবহারের জটিলতা পরিহার করিবার লক্ষ্যে সিগারেট উৎপাদনকারী প্রতিষ্ঠান যত শীঘ্র সম্ভব নূতন সর্বোচ্চ খুচরা মূল্যের প্যাকেট মুদ্রণের ব্যবস্থা গ্রহণ করিবে;
- (গ) প্রজ্ঞাপন এস.আর.ও নং-১৮১-আইন/২০১৯/৩৮-মুসক, তারিখ: ১৩ জুন, ২০১৯ খ্রিষ্টাব্দ এর আলোকে জারীকৃত “উৎপাদিত বা আমদানিকৃত তামাকযুক্ত সিগারেটের মূল্য নির্ধারণসহ উহার প্যাকেটে স্ট্যাম্প বা ব্যান্ডরোল ব্যবহার পদ্ধতি বিধিমালা, ২০১৯” এর বিধি (৩) এর উপ-বিধি (৩) এর উদ্দেশ্য পূরণকল্পে কোনো সিগারেট উৎপাদনকারী প্রতিষ্ঠানের যদি নূতন কোন ডিজাইনের স্ট্যাম্প বা ব্যান্ডরোল ব্যবহারের প্রয়োজন হয়, তবে তাহারা যথাযথ সম্ভব বাংলাদেশ সিকিউরিটি প্রিন্টিং প্রেসের নিকট হইতে তাহা সংগ্রহ করিবার ব্যবস্থা গ্রহণ করিবেন। বাংলাদেশ সিকিউরিটি প্রিন্টিং প্রেস অবিলম্বে নূতন ডিজাইনের স্ট্যাম্প বা ব্যান্ডরোল সরবরাহ করিবার লক্ষ্যে প্রয়োজনীয় ব্যবস্থা গ্রহণ করিবে। নূতন ডিজাইনের স্ট্যাম্প বা ব্যান্ডরোল না পাওয়া পর্যন্ত উৎপাদনকারীকে তাহাদের বিদ্যমান মূল্যস্তরের ভিত্তিতে স্ট্যাম্প বা ব্যান্ডরোল ব্যবহারের মাধ্যমে অনুচ্ছেদ ২(খ) অনুযায়ী সিল দ্বারা মুদ্রণ করিয়া যথাযথ রাজস্ব পরিশোধ নিশ্চিত করিতে হইবে। নূতন ডিজাইনের স্ট্যাম্প বা ব্যান্ডরোল না পাওয়া পর্যন্ত সংশ্লিষ্ট কমিশনার বিষয়টি অনুচ্ছেদ ২(চ) অনুযায়ী তদারকী নিশ্চিত করিবেন;
- (ঘ) সিগারেটের নূতন মূল্যস্তর ও সম্পূরক শুল্কহার কার্যকর হওয়ায় যথাযথ পরিমাণ রাজস্ব আদায়ের লক্ষ্যে প্রত্যেক মুসক কমিশনারেটের কমিশনারগণ তাহাদের স্ব-স্ব অধিক্ষেত্রভুক্ত প্রত্যেকটি সিগারেট উৎপাদনকারী প্রতিষ্ঠানে উৎপাদিত বা আমদানিকৃত তামাকযুক্ত সিগারেটের প্যাকেটে স্ট্যাম্প বা ব্যান্ডরোল ব্যবহার পদ্ধতি বিধিমালা, ২০১৯ এর বিধি ৯ অনুযায়ী তদ্রাবধানাধীন সরবরাহ নিশ্চিত করিবার লক্ষ্যে প্রয়োজনীয় সংখ্যক মূল্য সংযোজন কর কর্মকর্তা পদস্থ করিবেন;

- (ঙ) সংশ্লিষ্ট কর্মকর্তাগণ প্রতিটি উৎপাদনকারীর প্রত্যেকটি ব্র্যান্ডের সিগারেটের প্যাকেটের প্রকৃতি, শলাকা সংখ্যা, সর্বোচ্চ খুচরা মূল্য, সম্পূরক শুল্ক ও মূল্য সংযোজন কর হার ইত্যাদির ভিত্তিতে শুল্ক-কর এর পরিমাণ নির্ধারণ করত: রাজস্ব আদায় কার্যক্রম সম্পাদন বা পরিশোধ কার্যক্রম তত্ত্বাবধান করিবেন; এবং
- (চ) কমিশনারগণ আদেশের (ক) হইতে (ঙ) অনুচ্ছেদে বর্ণিত পদ্ধতির বাস্তবায়ন নিশ্চিতকরণের লক্ষ্যে প্রয়োজনীয় নির্দেশ জারি ও তদারকি করিবেন। বাস্তবায়নে কোনো সমস্যা থাকিলে তাহা জরুরি ভিত্তিতে বোর্ডের গোচরীভূত করিবেন। এছাড়া, নূতন মূল্যস্তর ও সম্পূরক শুল্কহার প্রবর্তনের কারণে ৩১ মে, ২০২৩ খ্রিষ্টাব্দ তারিখের সিগারেটের সমাপনী মজুদ, পূর্বের স্ট্যাম্প/ব্যান্ডরোল, খালি মোড়ক এবং নূতন স্ট্যাম্প ও ব্যান্ডরোল এবং খালি মোড়কের মজুদ তথ্য ছক-ক এ গ্রহণ করিবেন এবং দায়িত্বপ্রাপ্ত মুসক কর্মকর্তা এবং প্রতিষ্ঠান কর্তৃপক্ষের অনুমোদিত যৌথ স্বাক্ষর সম্বলিত উক্ত ছকে মজুদ তথ্যের এক কপি সংশ্লিষ্ট মুসক কমিশনারেট সদর দপ্তরে ১ জুন, ২০২৩ খ্রিষ্টাব্দ তারিখের মধ্যে পেশ করিতে হইবে। রাজস্বের হ্রাস/বৃদ্ধি সংক্রান্ত তুলনামূলক মাসিক বিবরণী ছক-খ এবং ছক-গ এ পরবর্তী মাসের ১০ তারিখের মধ্যে জাতীয় রাজস্ব বোর্ডে প্রেরণ করিবেন।

০৩। এই আদেশ জারি সত্ত্বেও ৩১ মে, ২০২৩ খ্রিষ্টাব্দ তারিখে বলবৎ কোন ব্র্যান্ডের সিগারেটের সর্বোচ্চ খুচরা মূল্য হ্রাস করা যাইবে না।

০৪। মূল্য সংযোজন কর ও সম্পূরক শুল্ক বিধিমালা, ২০১৬ এর বিধি ১১৮-ক এ প্রদত্ত ক্ষমতাবলে জাতীয় রাজস্ব বোর্ড এই আদেশ জারি করিল এবং ইতোপূর্বে জারীকৃত সাধারণ আদেশ নং- ০২/মুসক/২০২২, তারিখ: ০১ জুন, ২০২২ খ্রিষ্টাব্দ এতদ্বারা রহিত করিল।

০৫। এই আদেশ ১ জুন, ২০২৩ খ্রিষ্টাব্দ তারিখে কার্যকর হইবে।

ছক-ক

প্রতিষ্ঠানের নামঃ .....

ঠিকানাঃ .....

মূসক নিবন্ধন নং - .....

মজুদ গ্রহণের তারিখ ও সময়ঃ .....

(ক) উৎপাদিত সিগারেটের মজুদ সংক্রান্ত তথ্যঃ

ক্রমিক নং	সিগারেটের ব্র্যান্ডের নাম	প্যাকেটের ধরণ (হার্ড/সফ্ট/ শেল এন্ড স্লাইড)	প্রতি প্যাকেটে শলাকার সংখ্যা	স্ট্যাম্প বা ব্যান্ডরোলের ডিজাইন (রং)	প্রতি প্যাকেটের মুদ্রিত সর্বোচ্চ খুচরা মূল্য	মজুদ পণ্যের প্যাকেটের সংখ্যা	মন্তব্য
১	২	৩	৪	৫	৬	৭	৮

(খ) অব্যবহৃত মুদ্রিত সিগারেটের প্যাকেটের মজুদ সংক্রান্ত তথ্যঃ

ক্রমিক নং	সিগারেটের ব্র্যান্ডের নাম	প্যাকেটের ধরণ (হার্ড/সফ্ট/ শেল এন্ড স্লাইড)	প্রতি প্যাকেটে শলাকার সংখ্যা	প্রতি প্যাকেটে মুদ্রিত সর্বোচ্চ খুচরা মূল্য	মজুদ অব্যবহৃত প্যাকেটের সংখ্যা	মন্তব্য
১	২	৩	৪	৫	৬	৭

(গ) অব্যবহৃত স্ট্যাম্প বা ব্যান্ডরোলের মজুদ সংক্রান্ত তথ্যঃ

ক্রমিক নং	প্রতি প্যাকেটে শলাকা সংখ্যা	প্যাকেটের ধরণ	স্ট্যাম্প/ ব্যান্ডরোল	স্ট্যাম্প বা ব্যান্ডরোলের ডিজাইন (রং)	অব্যবহৃত স্ট্যাম্প/ব্যান্ডরোলের সংখ্যা	মন্তব্য
১	২	৩	৪	৫	৬	৭

(ঘ) নূতন স্ট্যাম্প/ব্যান্ডরোলের মজুদ সংক্রান্ত তথ্যঃ (চাহিদা পত্রের ভিত্তিতে)

ক্রমিক নং	প্রতি প্যাকেটে শলাকার সংখ্যা	প্যাকেটের ধরণ (হার্ড/সফ্ট/ শেল এন্ড স্লাইড)	স্ট্যাম্প/ব্যান্ডরোল	স্ট্যাম্প/ব্যান্ডরোলের ডিজাইন (রং)	মজুদ সংখ্যা	মন্তব্য
১	২	৩	৪	৫	৬	৭

(ঙ) নূতন সর্বোচ্চ খুচরা মূল্যের ভিত্তিতে মুদ্রিত সিগারেটের প্যাকেটের মজুদ সংক্রান্ত তথ্যঃ

ক্রমিক নং	সিগারেটের ব্র্যান্ডের নাম	প্যাকেটের ধরণ (হার্ড/সফ্ট/ শেল এন্ড স্লাইড)	প্রতি প্যাকেটে শলাকার সংখ্যা	প্রতি প্যাকেট মুদ্রিত সর্বোচ্চ খুচরা মূল্য	মজুদ প্যাকেটের সংখ্যা	মন্তব্য
১	২	৩	৪	৫	৬	৭



ছক-গ

সিগারেটের রাজস্ব আদায়ের তুলনামূলক বিবরণী প্রতিষ্ঠানওয়ারী)  
সিগারেট উৎপাদনকারী প্রতিষ্ঠানের নাম ও ঠিকানাঃ .....

মাসের নামঃ

ক্রমিক নং	সিগারেটের ব্রান্ড নাম	(পূর্বর্তী) অর্ধবছরের						(বর্তমান) অর্ধবছরের						মোট	পার্বক্য ১১-১৯					
		প্রতি প্যাকেটে শলাকা সংখ্যা	সম্পূরক শুকের হার	সর্বোচ্চ মুচরা মূল্য	প্রতি প্যাকেটে প্রযোজ্য সম্পূরক শুল্ক	প্রতি প্যাকেটে প্রযোজ্য মূল্য	সরবরাহকৃত প্যাকেট সংখ্যা	সম্পূরক শুল্ক	প্রতি প্যাকেটে প্রযোজ্য সম্পূরক শুল্ক	প্রতি প্যাকেটে প্রযোজ্য মূল্য	সরবরাহকৃত প্যাকেট সংখ্যা	সম্পূরক শুল্ক	মোট			পার্বক্য ১১-১৯				
১	২	৩	৪	৫	৬	৭	৮	৯	১০	১১	১২	১৩	১৪	১৫	১৬	১৭	১৮	১৯	২০	
(১)																				
(২)																				
(৩)																				
(৪)																				
(৫)																				
(৬)																				
(৭)																				
(৮)																				
(৯)																				
মোট																				
সর্বমোট																				

জাতীয় রাজস্ব বোর্ডের আদেশক্রমে,

(জাকিয়া সুলতানা)  
সদস্য (মুসক নীতি)

গণপ্রজাতন্ত্রী বাংলাদেশ সরকার  
জাতীয় রাজস্ব বোর্ড  
ঢাকা।

[ ভ্যাট বিভাগ ]

সাধারণ আদেশ নং-০২/মুসক/২০২৩ তারিখ: ০৭ জ্যৈষ্ঠ, ১৪৩০ বঙ্গাব্দ/ ২১ মে, ২০২৩ খ্রিষ্টাব্দ।

বিষয়ঃ টার্নওভার নির্বিশেষে নিবন্ধনের দিকনির্দেশনা সংক্রান্ত সাধারণ আদেশ নং-  
১৭/মুসক/২০১৯, তারিখ: ১৭ জুলাই, ২০১৯ খ্রিষ্টাব্দ এর সংশোধন।

মূল্য সংযোজন কর ও সম্পূরক শুল্ক আইন, ২০১২ এর ধারা ৬ এবং মূল্য সংযোজন কর ও সম্পূরক শুল্ক বিধিমালা, ২০১৬ এর বিধি ১১৮ক এ প্রদত্ত ক্ষমতাবলে জাতীয় রাজস্ব বোর্ড, উহার ০২ শ্রাবণ, ১৪২৬ বঙ্গাব্দ মোতাবেক ১৭ জুলাই, ২০১৯ খ্রিষ্টাব্দ তারিখের সাধারণ আদেশ নং-১৭/মুসক/২০১৯ এর নিম্নরূপ অধিকতর সংশোধন করিল, যথা:-

উপরি-উক্ত আদেশের অনুষ্টেদ ১ এর-

(ক) দফা (গ) এ উল্লিখিত “অবস্থান নির্বিশেষে সুপারশপ, শপিংমল ও টেবিল-৩ এর কলাম (১) এ উল্লিখিত Customs Act, 1969 (Act IV of 1969) এর First Schedule এর শিরোনাম সংখ্যা (Heading No.) এর বিপরীতে কলাম (২) এ বিধৃত সামঞ্জস্যপূর্ণ নামকরণ কোড (H.S. Code) বিপরীতে কলাম (৩) এ বর্ণিত পণ্যের ব্যবসায়ী পর্যায়ের সরবরাহসহ যে সকল করযোগ্য পণ্য উৎপাদনকারী প্রতিষ্ঠানের ব্যবসাস্থল জেলা শহর ও সিটি কর্পোরেশন এর আওতাধীন এলাকায় অবস্থিত তাহাদেরকে,” এন্ডিসমূহের পরিবর্তে “অবস্থান নির্বিশেষে সুপারশপ, শপিংমল ও টেবিল-৩ এর কলাম (১) এ উল্লিখিত Customs Act, 1969 (Act IV of 1969) এর First Schedule এর শিরোনাম সংখ্যা (Heading No.) এর বিপরীতে কলাম (২) এ বিধৃত সামঞ্জস্যপূর্ণ নামকরণ কোড (H.S. Code) বিপরীতে কলাম (৩) এ বর্ণিত পণ্যের ব্যবসায়ী পর্যায়ের সরবরাহের ক্ষেত্রে যে সকল প্রতিষ্ঠান জেলা শহর বা সিটি কর্পোরেশন এর আওতাধীন এলাকায় অবস্থিত তাহাদেরকে,” এন্ডিসমূহ প্রতিস্থাপিত হইবে; এবং

(খ) টেবিল-১ এর কলাম (১) এ উল্লিখিত-

(অ) শিরোনাম সংখ্যা ৭৩.২০ এবং উহার বিপরীতে কলাম (২) ও (৩) এ উল্লিখিত এন্ডিসমূহের প্রারম্ভে নিম্নরূপ শিরোনাম ও এন্ডিসমূহ সন্নিবেশিত হইবে, যথা:-

“৭৩.২১ প্রযোজ্য সামঞ্জস্যপূর্ণ নামকরণ কোড Cooking Appliances”;



(আ) শিরোনামা সংখ্যা ৭৩.২০ এবং উহার বিপরীতে কলাম (২) ও (৩) এ উল্লিখিত এন্ট্রিসমূহের পর নিম্নরূপ শিরোনামা ও এন্ট্রিসমূহ সন্নিবেশিত হইবে, যথা:-

“৭৩.২৩ প্রযোজ্য সামঞ্জস্যপূর্ণ নামকরণ কোড Kitchen Appliances”;

২। এই আদেশ ১ জুন, ২০২৩ খ্রিষ্টাব্দ তারিখে কার্যকর হইবে।

জাতীয় রাজস্ব বোর্ডের আদেশক্রমে,

( কাজী রেজাউল হাসান )

দ্বিতীয় সচিব (মুসক আইন ও বিধি)

গণপ্রজাতন্ত্রী বাংলাদেশ সরকার  
জাতীয় রাজস্ব বোর্ড  
ঢাকা।

[ ভ্যাট বিভাগ ]

সাধারণ আদেশ নং-০৩/মুসক/২০২৩, তারিখ: ০৭ জ্যৈষ্ঠ, ১৪৩০ বঙ্গাব্দ/ ২১ মে, ২০২৩ খ্রিষ্টাব্দ।

বিষয়ঃ চুক্তিভিত্তিক পণ্য উৎপাদন ও সরবরাহের ক্ষেত্রে পালনীয় পদ্ধতি ও প্রক্রিয়া সংক্রান্ত সাধারণ আদেশ নং-১৪/মুসক/২০২০, তারিখ: ২৪ নভেম্বর, ২০২০ খ্রিষ্টাব্দ এর সংশোধন।

মূল্য সংযোজন কর ও সম্পূরক শুল্ক বিধিমালা, ২০১৬ এর বিধি ১১৮ক এ প্রদত্ত ক্ষমতাবলে জাতীয় রাজস্ব বোর্ড, উহার ০৯ অগ্রহায়ন, ১৪২৭ বঙ্গাব্দ মোতাবেক ২৪ নভেম্বর, ২০২১ খ্রিষ্টাব্দ তারিখের সাধারণ আদেশ নং-১৪/মুসক/২০২০ এর নিম্নরূপ অধিকতর সংশোধন করিল, যথা:-

উপরি-উক্ত আদেশের অনুষ্টেদ ১ এর-

(ক) দফা (ঙ) এর পরিবর্তে নিম্নরূপ দফা (ঙ) প্রতিস্থাপিত হইবে, যথা:-

“(ঙ) নিজস্ব উপকরণ ব্যবহার করিয়া চুক্তিভিত্তিক উৎপাদনের ক্ষেত্রে চুক্তি অনুযায়ী স্বত্বাধিকারীকে পণ্য উৎপাদন বা সরবরাহ করিবার পূর্বে চুক্তিভিত্তিক উৎপাদক উক্ত সরবরাহের বিপরীতে সংশ্লিষ্ট এলাকার বিভাগীয় কর্মকর্তার নিকট ফরম “মুসক-৪.৩” এ উপকরণ-উৎপাদ সহগ দাখিল করিবেন;” এবং

(খ) দফা (ঙ) এর পর নিম্নরূপ নূতন দফা (ঙঙ) সন্নিবেশিত হইবে, যথা:-

“(ঙঙ) পণ্যের স্বত্বাধিকারীর উপকরণ ব্যবহার করিয়া চুক্তিভিত্তিক উৎপাদনের ক্ষেত্রে চুক্তি অনুযায়ী স্বত্বাধিকারীকে পণ্য উৎপাদন বা সরবরাহের ক্ষেত্রে সরবরাহ করিবার পূর্বে চুক্তিভিত্তিক উৎপাদক প্রতি একক পণ্যের জন্য যে পণ গ্রহণ করিবেন উক্ত পণ উল্লেখপূর্বক চুক্তিভিত্তিক উৎপাদক সংশ্লিষ্ট এলাকার বিভাগীয় কর্মকর্তার নিকট ফরম “মুসক-৪.৩” এ উপকরণ-উৎপাদ সহগ দাখিল করিবেন;”।

২। এই আদেশ ০১ জুন, ২০২৩ খ্রিষ্টাব্দ তারিখে কার্যকর হইবে।

জাতীয় রাজস্ব বোর্ডের আদেশক্রমে,

( কাজী রেজাউল হাসান )

দ্বিতীয় সচিব (মুসক আইন ও বিধি)

গণপ্রজাতন্ত্রী বাংলাদেশ সরকার  
জাতীয় রাজস্ব বোর্ড  
ঢাকা।

[ ভ্যাট বিভাগ ]

সাধারণ আদেশ নং-০৪/মুসক/২০২৩ তারিখ: ০৭ জ্যৈষ্ঠ, ১৪৩০ বঙ্গাব্দ/ ২১ মে, ২০২৩ খ্রিষ্টাব্দ।

বিষয়ঃ গ্রাহক কর্তৃক পরিশোধিত বিদ্যুৎ বিলের বিপরীতে মোবাইল ব্যাংকিং সেবা প্রদানকারী প্রতিষ্ঠান কর্তৃক জারীকৃত ইনভয়েসকে কর চালানপত্র হিসেবে গণ্যকরণ সংক্রান্ত সাধারণ আদেশ নং- ১১/মুসক/২০২২, তারিখ: ২০ সেপ্টেম্বর, ২০২২ খ্রিষ্টাব্দ এর সংশোধন।

মূল্য সংযোজন কর ও সম্পূরক শুল্ক আইন, ২০১২ এর ধারা ৪৬ এর উপ-ধারা (৩) এর দফা (চ) এর উদ্দেশ্য পূরণকল্পে, মূল্য সংযোজন কর ও সম্পূরক শুল্ক বিধিমালা, ২০১৬ এর বিধি ১১৮-ক এ প্রদত্ত ক্ষমতাবলে জাতীয় রাজস্ব বোর্ড, উহার ০৫ আশ্বিন, ১৪২৯ বঙ্গাব্দ মোতাবেক ২০ সেপ্টেম্বর, ২০২২ খ্রিষ্টাব্দ তারিখের সাধারণ আদেশ নং-১১/মুসক/২০২২ এর নিম্নরূপ সংশোধন করিল, যথা:-

উপরি-উক্ত আদেশের-

(ক) অনুচ্ছেদ ১ এর-

(অ) প্রস্তাবনা অংশে উল্লিখিত “মোবাইল ব্যাংকিং সেবা প্রদানকারী” শব্দগুলির প্রারম্ভে “ব্যাংকিং বা ডিজিটাল পেমেন্ট গেটওয়ে সার্ভিস বা” শব্দগুলি ও কমা সন্নিবেশিত হইবে;

(আ) দফা (ক) এর পরিবর্তে নিম্নরূপ দফা (ক) প্রতিস্থাপিত হইবে, যথা:-

“(ক) যে সকল প্রতিষ্ঠান Bangladesh Mobile Financial Service (MFS) Regulation, 2022 এর আওতায় বাংলাদেশ ব্যাংক হইতে “Mobile Financial Service (MFS)” প্রদানের লক্ষ্যে যথাযথ লাইসেন্স প্রাপ্ত হইয়াছে কিংবা বাংলাদেশ ব্যাংক হইতে অনুরূপ সেবা প্রদানের উদ্দেশ্যে অনুমোদনপ্রাপ্ত বা বাংলাদেশ ব্যাংক হইতে ব্যাংকিং সার্ভিস বা ডিজিটাল পেমেন্ট গেটওয়ে সার্ভিস প্রদানের লক্ষ্যে যথাযথ অনুমোদনপ্রাপ্ত এবং মূল্য সংযোজন কর ও সম্পূরক শুল্ক আইন, ২০১২ এর অধীন নিবন্ধিত, সেই সকল ব্যাংকিং বা ডিজিটাল পেমেন্ট গেটওয়ে সার্ভিস বা মোবাইল ব্যাংকিং সেবা প্রদানকারী প্রতিষ্ঠান, বিদ্যুৎ বিতরণকারী প্রতিষ্ঠানের পক্ষে, তাহাদের মধ্যে সম্পাদিত চুক্তি বা সমঝোতা অনুযায়ী গ্রাহকের অনুকূলে জনলাইনে ইনভয়েস ইস্যু করিতে পারিবে, যাহা উক্ত আইন এর অধীন মূল্য সংযোজন কর চালানপত্র হিসাবে গণ্য হইবে;”;

(ই) দফা (খ) এর প্রারম্ভে “ব্যাংকিং বা ডিজিটাল পেমেন্ট গেটওয়ে সার্ভিস বা” শব্দগুলি সন্নিবেশিত হইবে; এবং

(ঈ) দফা (ঙ) এ উল্লিখিত “মনোনীত প্রতিনিধি” শব্দগুলির পর “ব্যাংকিং বা ডিজিটাল পেমেন্ট গেটওয়ে সার্ভিস বা” শব্দগুলি সন্নিবেশিত হইবে;

(থ) ফরম “ছক-ক” এ উল্লিখিত সকল স্থানে “মোবাইল ব্যাংকিং সেবা প্রদানকারী” শব্দগুলির প্রারম্ভে “ব্যাংকিং বা ডিজিটাল পেমেন্ট গেটওয়ে সার্ভিস বা” শব্দগুলি সংযোজিত হইবে।

০২। এই আদেশ ০১ জুন, ২০২৩ খ্রিষ্টাব্দ তারিখে কার্যকর হইবে।

জাতীয় রাজস্ব বোর্ডের আদেশক্রমে,

( কাজী রেজাউল হাসান )

দ্বিতীয় সচিব (মুসক আইন ও বিধি)